

ГЭРЛЭХ ЁСЛОЛЫН ОРДОН ОНӨААТҮГ-ЫН

2025 ОНЫ 1-3 ДУГААР УЛИРАЛД ХИЙСЭН ОЛОН НИЙТИЙН АРГА ХЭМЖЭЭНИЙ ТАЙЛАН

/01 сарын 01 нээс 09 дүгээр сарын 15/

Гэрлэх ёслолын ордон ОНӨААТҮГ нь НЗД-ын 2021-2025 оны үйл ажиллагааны хөтөлбөрийг хэрэгжүүлэх арга хэмжээ, Нийслэлийн хөгжлийн 2025 оны төлөвлөгөөний хүрээнд хийж хэрэгжүүлсэн ажлууд:

2025 оны 1 сарын 01-нээс 9 дүгээр сарын 31 хүртэл Гэрлэх ёслолын ордон ОНӨААТҮГ нь НЗД-ын 2021-2025 оны үйл ажиллагааны хөтөлбөр, Нийслэлийн хөгжлийн 2025 оны төлөвлөгөөг хэрэгжүүлэх арга хэмжээний хүрээнд гэр бүл сургалтын төвөөрөө дамжуулан хэрэгжүүлж буй гэр бүлийн боловсрол олгох сургалтанд нийт 1235 иргэн хамрагдаж сургалт авсан байна.

Үүнээс албан байгууллагатай хамтран зохион байгуулж буй сургалтанд 892 иргэн, ЕБС-ийн ахлах дунд ангийн сурагчид 120, оюутан залуус 22, шинээр гэр бүл болж буй хос /иргэн/ 201 нийт 1235 иргэдэд сургалт зохион байгуулан ажилласан. Гэр бүлийн боловсрол дээшлүүлэх энэхүү сургалтаар “Гэр бүлийн харилцаа, сэтгэл зүй”, “Гэр бүл төлөвлөлт”, “Гэр бүлийн тухай хуулийн ойлголт”, “Гэр бүлийн тогтвортой харилцаа бий болгох нь”, “Хайр” зэрэг сэдвүүдээр тус тус сургалт зохион байгуулан ажиллаж “Гэр бүлийн тухай хууль” тогтоомжийг иргэд, олон нийтэд сурталчлах, нийгэмд гэр бүлийн гүйцэтгэх үүрэг, хариуцлагыг дээшлүүлэн ажиллалаа.

Гэр бүлийн боловсрол дээшлүүлэх “гэр бүлийн үнэ цэнэ сургалт” №1

2025 оны 1 дүгээр сарын 3-ны өдөр Гэрлэх ёслолын ордон Холбооны 013 дугаар цэргийн ангийн нийт бие бүрэлдэхүүнд “Гэр бүлийн үнэ цэнэ” сэдвээр гэр бүлийн боловсрол дээшлүүлэх сургалт зохион байгуулан ажиллалаа.



Гэрлэх ёслолын ордны үүсэл, үйл ажиллагаа ба гэр бүлийн үнэ цэнэ сэдвээр Гэрлэх ёслолын ордны ёслолын менежер Б.Амгалан танилцуулга хийн сургалтыг эхлүүлэв.

Есөн эрдэнийн хурим, Гэрлэх ёслолын утга учир , гэрлэх ёслол нь хүний болоод гэр бүлийн үнэт зүйл сэдвийн хүрээнд Гэрлэх ёслолын ордны захирал М.Уянга бичлэгтэй сургалтыг зохион байгууллаа.



Гэр бүлийн тухай хууль , хайр гэж юу вэ? Сэдвээр Гэрлэх ёслолын ордны Гэр бүл сургалтын төвийн багш М.Ариунзаяа тус тус сургалт зохион байгууллаа.

Гэр бүлийн боловсрол дээшлүүлэх “хосын харилцаа” сургалт №2

2025 оны 1 дүгээр сарын 15-ны өдөр Гэрлэх ёслолын ордны гэр бүл сургалтын төв MCS группийн барилга угсралтын 35 ажилтанд гэр бүлийн боловсрол дээшлүүлэх “Гэр бүлийн тогтвортой байдал ба хосын харилцаа” сэдвээр сургалт зохион байгууллаа.

Гэрлэх ёслолын ордны ёслолын менежер Б.Амгалан Гэрлэх ёслолын ордны үүсэл түүх , үйл ажиллагаа болон гэрлэх ёслолын талаар видео бичлэгтэй танилцуулга , сургалт зохион байгууллаа. Гэр бүл сургалтын төвийн багш М.Ариунзаяа Гэр бүлийн тухай хуулийн үндсэн ойлголт, Хосын болон гэрийн харилцаа, Эрэгтэй эмэгтэй хүмүүсийн ялгаа зэрэг сэдвээр ярилцлага сургалтыг тус тус зохион байгуулж ажиллалаа.



Гэр бүлийн боловсрол дээшлүүлэх “Гэр бүлийн харилцаа ба эрэгтэй эмэгтэй хүмүүсийн ялгаа” сэдэвт сургалт №3

2025 оны 2 дугаар сарын 11-ний өдөр Гэрлэх ёслолын ордон Зэвсэгт хүчний 013 дугаар цэргийн ангийн нийт бие бүрэлдэхүүнд “Гэр бүлийн харилцаа ба эрэгтэй эмэгтэй хүмүүсийн ялгаа, Тогтвортой гэр бүлийг бий болгох нь” сэдэвт сургалтыг Гэрлэх ёслолын ордны гэр бүл сургалтын багш М.Ариунзаяа зохион байгуулав.



Гэр бүлийн боловсрол дээшлүүлэх сургалт №4

Монгол Улсын Засгийн газар Жендерийн үндэсний хорооноос жил бүр 3 дугаар сарын 01-нээс 4 дүгээр сарын-01 хүртэл үндэсний хэмжээнд уламжлал болгон зохион байгуулдаг “Харилцан хүндэтгэе” нэг сарын аянд Гэрлэх ёслолын ордны хамт олон нэгдлээ. Энэ удаагийн “Харилцан хүндэтгэе” аяныг “Хайраа хайрлая, Хандлагаа өөрчилъе, Хамтдаа үлгэрлэе.” уриатайгаар зохион байгуулж байгаа бөгөөд тус аяны хүрээнд Гэрлэх ёслолын ордон гэр бүл сургалтын төвөөрөө дамжуулан Чингэлтэй дүүргийн Онцгой байдлын хэлтсийн 80 гаруй албан хаагчдад “Гэр бүлийн харилцаа, Гэр бүлийн үнэ цэнэ сэдвээр 3 дугаар сарын 20-ны өдөр гэр бүлийн боловсрол дээшлүүлэх сургалт зохион байгуулан ажиллалаа.



Гэр бүлийн боловсрол дээшлүүлэх “Гэр бүлийн үнэ цэнэ” сэдэвт сургалт № 5

2025 оны 3 дүгээр сарын 7-ны өдөр Гэрлэх ёслолын ордон Нийслэлийн нийтийн тээврийн газрын 138 эмэгтэй ажилтанд “Гэр бүлийн үнэ цэнэ ба Гэр бүлийн харилцаа” сэдэвт сургалтыг зохион байгуулав.

Гэрлэх ёслолын ордны гэр бүл сургалтын төвийн багш М.Ариунзаяа тус сэдвийн хүрээнд Гэрлэх ёслол нь гэр бүлийн үнэт зүйл, Хайр хөгширдөггүй, Эрэгтэй эмэгтэй хүмүүсийн харилцааны онцлог сэдвийн хүрээнд нийтийн тээврийн газрын эмэгтэй жолооч нарт сургалтыг зохион байгууллаа.



ЕБС-ийн сурагчдад зориулсан гэр бүлийн боловсрол дээшлүүлэх сургалт

Гэрлэх ёслолын ордон нь зөвхөн гэр бүл болон байгууллагад гэр бүлийн боловсрол олгоод зогсохгүй, ирээдүйд гэр бүл болж, аав, ээж болох сурагч дүү нартаа “Гэрлэх ёслолын ордон”-оо танилцуулах, сургалт хийх, мэдээлэл өгөх арга хэмжээг зохион байгуулдаг билээ.

Энэ удаад “ШИНЭ МОНГОЛ” сургуулийн 12 ангийн 4 бүлгийн сурагчид манай өргөөгөөр зочиллоо.



Байгууллагын үйл ажиллагааны үр дүн:

Гэрлэх ёслолын ордон ОНӨААТҮГ нь 2025 оны 01 дүгээр сарын 01-ний өдрөөс 9 дүгээр сарын 17-ны өдөр хүртэл нийт 530 хосын хуримын ёслолыг удирдан зохион байгуулж, тэдгээрийн дагалдах зочид болох давхардсан тоогоор 26700 гаруй иргэдэд үйлчилсэн.



Гэрлэх ёслолын ордноор үйлчлүүлсэн иргэдийн тоо

Гэрлэх ёслолын ордон ОНӨААТҮГ–т 2025 оны 1 дүгээр хагас жилд нийт үйлчлүүлсэн 560 хосын хуримд дагалдах зочид болох давхардсан тоогоор 26700 гаруй үйлчлүүлэгчдэд үйлчилгээ үзүүлэн ажиллалаа.



“WEDDING EXPO 2025 MONGOLIA” Хуримын үйлчилгээ үзүүлдэг байгууллагуудын нэгдсэн хуримын үзэсгэлэнг “Brand media” групптэй хамтран Гэрлэх ёслолын ордон ОНӨААТҮГ амжилттай зохион байгуулан оролцож ажиллалаа.

Олон нийтэд байгууллагын үйл ажиллагааг сурталчлан таниулан ил тод нээлттэй байдлыг ханган ажиллах зорилтын хүрээнд “WEDDING EXPO 2025 MONGOLIA” Хуримын үйлчилгээ үзүүлдэг шилдэг 60 байгууллагуудын нэгдсэн хуримын үзэсгэлэн 2025 оны 5 сарын 3, 4 ны өдөр Худалдаа аж үйлдвэрийн танхимд зохион байгуулагдаж, Гэрлэх ёслолын ордны хамт олон тус үзэсгэлэнд 2 өдөр амжилттай оролцов. Уг үзэсгэлэнгээр 1500 гаруй иргэдэд гэрлэх ёслолын ордны үйлчилгээний талаарх дэлгэрэнгүй мэдээлэл өгч, 30 хосын захиалга авч, тараах материал бүхий ордны танилцуулгыг 500 хүнд тарааж, үйл ажиллагаагаа нээлттэй танилцуулж ажилласан. Үзэсгэлэнгийн ёслолын ажиллагааны нээлтийг Ёслол удирдагч Б.Амгалан хөтлөн явуулав.



“ХОТООС ТӨРСӨН ХОСУУД” арга хэмжээ зохион байгуулан ажиллав.

Олон улсын гэр бүлийн өдрийг угтан гэр бүлийн хөгжлийг дэмжих ажлын хүрээнд 2025 оны 4 сарын 16 ны өдөр Нийслэлийн Засаг даргын нийгмийн бодлогын хүрээнд харьяа байгууллагуудаас хамгийн олон ажилтантай УСУГ, ОСНААУГ, НЦГ, НОБГ, Зорчигч тээвэр 4, НЭМГ, НБГ газрын дотроосоо төрсөн 7 хосын Гэрлэх ёслолын арга хэмжээ “Хотоос төрсөн хос” гэр бүлийн өдөрлөгийг НИТХ, НЗДТГ, Гэрлэх ёслолын ордон, Нийслэлийн соёл урлагийн газар хамтран зохион байгууллаа

Их хотын төлөө чимээгүйхэн хөдөлмөрлөдөг залуучуудынхаа амьдралд нандин дурсамж бүтээж 7 хосын гэрлэх ёслолын ажиллагаа зохион байгуулан ажиллалаа.



Олон улсын гэр бүлийн өдрийг Нийслэлийн гэр бүлүүдтэй хамт тэмдэглэн өнгөрүүллээ.

Олон улсын гэр бүлийн өдрийг тохиолдуулан, 2025 оны 05 дугаар сарын 14-ны өдөр гал ус, аюул гамшгаас ард иргэдээ авран хамгаалах тангараг өргөсөн нийслэл, дүүргийн онцгой байдлын 15 албан хаагчийн гэрлэх ёслолыг Нийслэлийн Гамшгаас хамгаалах зөвлөл санаачлан “Гэрлэх ёслолын ордон” ОНӨААТҮГ, Нийслэлийн Онцгой байдлын газартай хамтран зохион байгуулж гэр бүлийн өдрийг тэмдэглэн өнгөрүүллээ.

Улс орон, ард иргэдийнхээ төлөө халуун амь, залуу нас, хөдөлмөр зүтгэлээ зориулж яваа албан хаагчдынхаа гал голомтыг бадрааж, тангараг өргөсөн хүргэн, бэрүүдэд насан туршид нь үл мартагдах нандин сайхан дурсамж бүтээх “Онцгой” сайхан арга хэмжээ боллоо.



Олон улсын гэр бүлийн өдрийг тохиолдуулан Гэр бүлийн нээлттэй өдөрлөг зохион байгуулан ажиллав.

2025 оны 05 дугаар сарын 15-ны өдөр Олон Улсын гэр бүлийн өдөр тохиож байна. Гэр бүлийн өдрийг тохиолдуулан НИТХ-ын дэргэдэх Гэмт хэргээс урьдчилан сэргийлэх ажлыг зохицуулах салбар зөвлөлийн байгууллагууд болох цагдаа, шүүхийг байгууллага, мөн Гамшгаас хамгаалах салбар зөвлөлийн байгууллага болох онцгой байдлын албан хаагчдын Гэрлэх ёслолын үйл ажиллагаа ёслол төгөлдөр зохион байгуулагдлаа.

Улс орон, ард иргэдийнхээ төлөө хөдөлмөр зүтгэлээ зориулж яваа төрийн цэргийн байгууллагын албан хаагчдынхаа гал голомтыг бадрааж, тангараг өргөсөн хүргэн, бэрүүдэд насан туршид нь үл мартагдах нандин сайхан дурсамж бүтээх гэр бүлийн үнэ цэнийг сурталчлах гэр хөгжлийг дэмжих арга хэмжээ зохион байгууллаа.



Гэр бүлийн үнэ цэнийг сурталчилсан “Есөн эрдэнийн хурим” арга хэмжээ зохион байгуулан ажиллалаа.

Нийслэлийн хөгжлийн 2025 оны төлөвлөгөөний Гэр бүл, хүний хөгжил 2.5 бодлого зорилтын хүрээнд олон улсын “Гэр бүлийн өдөр”-ийг тохиолдуулан монгол ёс заншлыг түгээн дэлгэрүүлэх, хамтын амьдралын утга учир, гэр бүлийн үнэ цэнийг нэмэгдүүлэх зорилгоор 2025 оны 5 дугаар сарын 23 ны өдөр “Есөн эрдэнийн

хурим” арга хэмжээг Чингэлтэй дүүргийн Засаг даргын Тамгын газар, Гэрлэх ёслолын ордон, Улсын бүртгэлийн хэлтэстэй хамтран зохион байгуулан ажиллалаа.

Уг арга хэмжээгээр гэр бүлийн үнэ цэнийг нэмэгдүүлж, ахмад гэр бүлүүдээ алдаршуулан 20,30,40,50,60 жил ханилсан Чингэлтэй дүүргийн 10-24 дүгээр хорооны 11 хосын гэрлэх ёслолыг зохион байгуулан Очир-эрдэнэ, Алт эрдэнэ, Зэс эрдэнэ, Оюу эрдэнэ, Сувдан эрдэнэ, Номин эрдэнэ, хуримын ёслолын үйл ажиллагааг зохион байгууллаа.

